

Ime i prezime

SAMIR BEGLEROVIĆ

E-mail adresa i kontakt telefon

[samir.beglerovic@fin.unsa.ba](mailto:samir.beglerovic@fin.unsa.ba)

tel/fax: 033/251-029;

Rođen u Sarajevu, 14. 07. 1973. godine. Završio je osnovnu školu „Hasan Kikić“ u Sarajevu, a potom Sarajevsku Prvu gimnaziju 1991. godine.

Nakon srednje škole upisuje i uspješno okončava Fakultet islamskih nauka u Sarajevu 2000. godine.

Od 2000. do 2002. godine, bio je urednik „muslimanskih stranica“ Časopisa za međureligijski dijalog „Abraham“, kojega je izdavalo Udruženje za međureligijski mirotvorni rad „ABRAHAM“ iz Sarajeva.

Od 2002. do 2005. godine radio je na mjestu Projekt koordinatora u Udruženju „ABRAHAM“, na projektu „Mjesto za druge u našoj vjeri i životu“.

Od početka 2004. godine, angažiran je honorano kao pomoćnik bibliotekara Fakulteta islamskih nauka, te kao demonstrator na predmetima iz oblasti akaida i uporednih religija.

Od januara 2006. godine uposlen je na Fakultetu islamskih nauka, kao asistent na katedri za akaid.

Na dan 24. aprila 2004. godine, nakon završetka postdiplomskoga studija iz oblasti savremene teologije i uporednih religija, magistrirao je iz oblasti akaida i tesavvufa na temu: „Fejzulah efendija Hadžibajrić – njegov život i borba za povratak tekija u okrilje Islamske zajednice“ (Komisija za odbranu: prof. Adnan Silajdžić, *predsjednik*, doc. Ismet Bušatlić, *član*, i prof. Rešid Hafizović, *mentor*).

Na dan 30. 06. 2008. godine, doktorirao je iz oblasti akaida i tesavvufa na temu: „'Abd al-Qādir al-Ġaylānī i derviški red kaderija“ (Komisija za odbranu: prof. Ismet Bušatlić, *predsjednik*, prof. Rešid Hafizović, *član*, prof. Enes Karić, *član*, prof. Adnan Silajdžić, *mentor*).

Trenutno je u zvanju vanrednog profesora na katedri za akaid (dogmatiku) i uporedne religije.

Angažiran je na predmetima: „Pregled ranog muslimanskog mišljenja“, „Rane škole kelama“, „Teološka antropologija“, „Osnovi učenja judaizma i kršćanstva“, „Šiizam“, te „Savremni religijski pokreti“.

Jednu akademsku godinu predavao je predmet „Filozofija religije“, na Filozofskome fakultetu Univerziteta u Tuzli.

Na Fakultetu islamskih nauka učestvuje i na nastavi master studija, te na doktorskom studiju.

Imenovan je za mentora odnosno člana komisija za odbranu diplomskih, magistarskih, master i doktorskih radova, na Fakultetu islamskih nauka te Filozofskome fakultetu Sveučilišta u Zagrebu.

Objavljuje autorska djela i prijevode, u nekoliko izdavačkih kuća, u brojnim stručnim i znanstvenim časopisima te publicistikama, koje je moguće pronaći u različitim znanstvenim bazama podataka, kao i na internet stranici „znaci.com“.

Djela, studije i radovi napisani su iz oblasti: akaida (dogmatike), tesavvufa, opće teologije, uporednih religija, filozofije religije te teologije kulture.

Živi i radi u Sarajevu.